

後漢書

一



百衲本二十四史

後漢書

四部叢刊史部

上海涵芬樓景印宋
紹興本原闕五卷半
借北平圖書館藏本
配補原書板高營造
尺七寸寬五寸七分

後漢書目錄

帝紀一十卷

第一卷

光武皇帝上

秀

光武皇帝下

第二卷

顯宗孝明皇帝

莊

第三卷

肅宗孝章皇帝

炆

第四卷

孝和皇帝肇

孝殤皇帝隆

第五卷

孝安皇帝祐

第六卷

孝順皇帝保

孝沖皇帝炳

孝質皇帝續

第七卷

孝桓皇帝志

第八卷

孝靈皇帝宏

第九卷

孝獻皇帝協

第十卷上

光武郭皇后

光烈陰皇后

後漢書
明德馬皇后

章德竇皇后

和帝陰皇后

和熹鄧皇后

第十卷下

安思閼皇后

順烈梁皇后

孝崇虞皇后

桓帝懿獻梁皇后

孝栢鄧皇后

栢思竇皇后

孝仁董皇后

孝靈宋皇后

獻穆曹皇后

志三十卷

第一卷

律曆上

律準

候氣

第二卷

律曆中

賈逵論曆

永光論曆

延光論曆

漢安論曆

熹平論曆

論月食

第三卷

律曆下

曆法

第四卷

禮義上

合朔

立春

五供

上陵

冠

夕牲

耕

高禘

養老

先蠶

袞楔

第五卷

禮義中

立夏

請雨

拜皇太子

拜王公

桃印

黃郊

立秋

驅劉

案戶

祠星

立冬

冬至

臘

大儺

土牛

遣衛士

朝會

第六卷

禮義下

大喪

第七卷

祭祀上

光武即倅告天郊

封禪

第八卷

祭祀中

北郊

明堂

辟雍

靈臺

迎氣

增祀

六宗

老子

第九卷

祭祀下

宗廟

社稷

靈星

先農

迎春

第十卷

天文上

王莽三

光武十二

第十一卷

天文中

明十二

章五

和三十三

殤一

安四十六

順二十三

質三

第十二卷

天文下

栢三十八

靈二十

獻九

隕石

第十三卷

五行一

貌不恭

淫雨

服妖

雞禍

青眚

屋自壞

訛言

旱

謠

狼食人

第十四卷

五行二

災火

草妖

羽蟲孽

羊禍

第十五卷

五行三

大水

水變色

大寒

雹

冬雷

山鳴

魚孽

蝗

第十六卷

五行四

地震

山崩

地陷

大風拔樹

蝮

牛疫

第十七卷

五行五

射妖

龍蛇孽

馬禍

人病

人化

死復生

疫

投蜺

第十八卷

五行六

日蝕

日抱

日赤無光

日黃珥

日中黑

虹貫日

月蝕非其月

第十九卷

郡國一

河南

河內

河東

弘農

京兆

馮翊

扶風

右司隸

第二十卷

郡國二

潁川

汝南

梁國

沛國

陳國

魯國

右豫州

魏郡

鉅鹿

常山

中山

安平

河間

清河

趙國

勃海

右翼州

第二十一卷

郡國三

陳留

東郡

東平

任城

泰山

濟北

山陽

濟陰

右兗州

東海

琅邪

彭城

廣陵

下邳

右徐州

第二十二卷

郡國四

濟南

平原

樂安

北海

東萊

齊國

右青州

南陽

南郡

江夏

零陵

桂陽

武陵

長沙

右荊州

九江

丹陽

廬江

會稽

吳郡

豫章

右揚州

第二十三卷

郡國五

漢中

巴郡

廣漢

蜀郡

犍爲

牂牁

越巂

益州

永昌

廣漢屬國

蜀郡屬國

犍爲屬國

右益州

隴西

漢陽

武都

金城

安定

北地

武威

張掖

酒泉

敦煌

張掖屬國

張掖居延屬國

右涼州

上黨

太原

上郡

西河

五原

雲中

定襄

鴈門

朔方

右并州

涿郡

廣陽

代郡

上谷

漁陽

右北平

遼西

遼東

玄菟

樂浪

遼東屬國

右幽州

南海

蒼梧

鬱林

合浦

交趾

九真

日南

右交州

第二十四卷

百官一

太傅

太尉

司徒

司空

將軍

第二十五卷

百官二

太常

光祿勳

衛尉

太僕

廷尉

大鴻臚

第二十六卷

百官三

宗正

大司農

少府

第二十七卷

百官四

執金吾

太子太傅

大長秋

太子少傅

將作大匠

城門校尉

北軍中候

司隸校尉

第二十八卷

百官五

州郡

縣鄉

亭里

匈奴中郎將

烏桓校尉

護羌校尉

王國

宋衛國

列侯

關內侯

四夷國

百官奉

第二十九卷

典服上

玉輅

乘輿

金根

安車

立車

耕車

戎車

獵車

駟車

青蓋車

綠車

皂蓋車

夫人安車

大駕

法駕

小駕

輕車

大使車

小使車

載車

導從卒

車馬飾

第三十卷

輿服下

冕冠

長冠

委貌冠

皮弁冠

爵弁冠

通天冠

遠遊冠

高山冠

進賢冠

法冠

武冠

建華冠

方山冠

巧士冠

却非冠

却敵冠

樊噲冠

術氏冠

鵲冠

幘

佩

刀

印

黃赤綬

赤綬

綠綬

紫綬

青綬

黑綬

黃綬

青紺綸

后夫人服

列傳八十卷

第一卷

劉玄

劉盆子

第二卷

王昌

劉永

張步

李憲

彭寵

盧芳

第三卷

隗囂

囂音五
高反

公孫述

第四卷

宗室四王三侯

齊武王縯

子北海
靜王興

趙孝王良

成陽恭王祉

泗水王歆

安成孝侯賜

成武孝侯順

順陽懷侯嘉

第五卷

李通

王常

鄧晨

來歙

歙曾孫歷

第六卷

鄧禹

子訓孫騰

寇恂

曾孫榮

第七卷

馮異

岑彭

賈復

第八卷

吳漢

陳俊

蓋延

臧宮

第九卷

耿弇

弟國 國子秉 秉弟夔 國弟子恭

第十卷

鉞期

王霸

祭遵

從弟彤

第十一卷

任光

子隗

李忠

萬脩

邳彤

劉植

耿純

第十二卷

朱祐

景丹

王梁

杜茂

馬成

劉隆

傅俊

堅鐔

馬武

第十三卷

竇融

弟子固 曾孫憲 玄孫章

第十四卷

馬援

子廖 子防 兄子嚴 族孫棧

第十五卷

卓茂

魯恭 弟丕

魏霸

劉寬

第十六卷

伏湛

子隆

侯霸

宋弘

蔡茂

郭賀附

馮勤

趙熹

牟融

韋彪

族子義

第十七卷

宣秉

張湛

王丹

王良

杜林

郭丹

吳良

承宮

鄭均

趙典

第十八卷上

栢譚

馮衍
子豹

第十八卷下

馮衍

第十九卷

申屠剛

鮑永
子昱

郅惲

第二十卷上

蘇竟

楊厚

郎顗

襄楷

第二十卷下

郎顗

襄楷

第二十一卷

郭伋

杜詩

孔奮

張堪

廉范

王堂

蘇章

族孫不韋

羊續

賈琮

陸康

第二十二卷

樊宏

子儵族曾孫準

陰識

弟典

第二十三卷

朱浮

馮魴

虞延

鄭弘

周章

第二十四卷

梁統

子竦曾孫商立孫翼

第二十五卷

張純

子奮

曹褒

鄭玄

第二十六卷

鄭興

子衆

范升

陳元

賈逵

張霸

子楷楷子陵陵弟玄

第二十七卷

桓榮

子郁孫焉曾孫鸞玄孫典玄孫彬

丁鴻

第二十八卷

張宗

法雄

滕撫

馮緄

度尚

楊璇

第二十九卷

劉平

趙孝

淳于恭

江革

劉般

子愷

周磐

趙咨

第三十卷上

自東都主人以下分爲下卷

班彪

子固

第三十卷下

班彪

子固

第三十一卷

第五倫

曾孫種

鍾離意

宋均

族子意

寒朗

第三十二卷

光武十王

東海恭王彊

沛獻王輔

楚王英

濟南安王康

東平憲王蒼

子任城孝王尚

阜陵質王延

廣陵思王荆

臨淮懷公衡

中山簡王焉

琅邪孝王京

第三十三卷

朱暉

孫穆

樂恢

何敞

第三十四卷

鄧彪

張禹

徐防

張敏

胡廣

第三十五卷

袁安

子敞立孫闕

張酺

韓棱

周榮

孫景

第三十六卷

郭躬

弟子鎮

陳寵

子忠

第三十七卷

班超

子勇

梁懂

第三十八卷

楊終

李法

翟酺

應奉

子劭

霍諝

爰延

徐璆

第三十九卷

王充

王符

仲張統

第四十卷

千乘哀王建 陳敬王羨

彭城靖王恭 樂成靖王黨

下邳惠王衍 梁節王暢

淮陽頃王昞 濟陰悼王長

第四十一卷

李恂 陳禪

龐參 陳龜

橋玄

第四十二卷

崔駰

子瑗 孫寔

第四十三卷

周燮

黃憲

徐穉

姜肱

申屠蟠

第四十四卷

楊震

子秉 孫賜 曾孫彪 玄孫脩

第四十五卷

千乘貞王倪 平春悼王全

清河孝王慶 濟北惠王壽

河間孝王開 城陽懷王淑

廣宗殤王萬歲 平原懷王勝

和子

第四十六卷

張皓

子綱

王龔

子暢

种暉

子岱拂拂子劭

陳球

第四十七卷

杜根

藥巴

劉陶

李雲

劉瑜

謝弼

第四十八卷

虞詡

傅燮

蓋勲

臧洪

第四十九卷

張衡

第五十卷上

馬融

蔡邕

第五十卷下

蔡邕

第五十一卷

左雄

周舉

子總

黃瓊

孫琬

第五十二卷

荀淑

子爽孫悅

韓韶

鍾皓

陳寔

子紀

第五十三卷

李固

子愛

杜喬

第五十四卷

吳祐

延篤

史弼

盧植

趙岐

第五十五卷

皇甫規

張奐

段熲

第五十六卷

陳蕃

王允

第五十七卷

黨錮

劉淑

李膺

杜密

劉祐

魏朗

夏馥

宗慈

巴肅

范滂

尹勲

蔡衍

羊陟

張儉

岑晊

陳翔

孔昱

苑康

檀敷

劉儒

賈彪

何顥

第五十八卷

邵太

符融

許劭

第五十九卷

竇武

何進

第六十卷

鄭太

孔融

荀彧

第六十一卷

皇甫嵩

朱雋

第六十二卷

董卓

第六十三卷

劉虞

公孫瓚

陶謙

第六十四卷上

袁紹

子譚

劉表

第六十四卷下

袁紹

子譚

劉表

第六十五卷

劉焉

袁術

呂布

後漢目
二十六
李昇
第六十六卷

循吏

衛颯

任延

王景

秦彭

王渙

許荆

孟嘗

第五訪

劉矩

劉寵

仇香

童恢

第六十七卷

酷吏

董宣

樊曄

李章

周紆

黃昌

陽球

王吉

第六十八卷

宦者

鄭衆

蔡倫

孫程

曹騰

單超

侯覽

曹節

呂強

張讓

第六十九卷

儒林上

劉昆

洼丹

任安

楊政

張興

戴憑

孫期

歐陽歙

牟長

宋登

張馴

尹敏

周防

孔僖

楊綸

第六十九卷

儒林下

高詡

包咸

魏應

伏恭

任末

景鸞

薛漢

杜撫

召馴

楊仁

趙羣

衛宏

董鈞

丁恭

周澤

鍾興

甄宇

樓望

程曾

張玄

李育

何休

服虔

穎容

謝該

許慎

蔡玄

第七十卷

文苑上

杜篤

王隆

夏恭

傅毅

黃香

劉毅

李尤

蘇順

劉珍

葛龔

王逸

崔琦

邊韶

第七十卷

文苑下

張升

趙壹

劉梁

邊讓

酈炎

侯瑾

高彪

張超

禰衡

第七十一卷

獨行

譙玄

李業

劉茂

溫序

彭脩

索廬放

周嘉

范式

李善

王忱

張武

陸續

戴封

李充

繆彤

陳重

雷義

范丹

戴就

趙苞

向栩

諒輔

劉翊

王烈

第七十二卷

方術上

任文公

郭慮

許楊

高獲

王喬

謝夷吾

楊由

李南

李郃

段翳

廖扶

折像

樊英

第七十二卷

方術下

唐檀

公沙穆

許曼

趙彥

樊志張

單颺

韓說

董扶

郭玉

華佗

徐登

費長房

蒯子訓

劉根

左慈

計子勲

上成公

解奴辜

甘始

王眞

王和平

第七十三卷

逸民

野王二老

向長

逢萌

周黨

王霸

嚴光

井丹

梁鴻

高鳳

臺佟

韓康

矯慎

戴良

法真

漢濱老父

陳留老父

龐公

第七十四卷

列女

鮑宣妻

王霸妻

姜詩妻

周都妻

曹世叔妻

樂羊子妻

陳文矩妻

孝女曹娥

許升妻

袁隗妻

龐涪母

劉長卿妻

皇甫規妻

陰瑜妻

盛道妻

孝女叔先雄

後漢書
董祀妻

第七十五卷

東夷

第七十六卷

南蠻

西南夷

第七十七卷

西羌

第七十八卷

西域

第七十九卷

南匈奴

前書直言匈奴傳不言南北今稱南者明其爲北生義也

以南單于向化尤深故舉其順者以冠之東觀記稱匈奴南單于列傳范曄因去其單于二字

第八十卷

烏桓

鮮卑

光武起後漢乙酉歲改建武

元年傳及十二帝至獻帝建

安二十五年庚申凡一百九

後漢目錄
三十四
十五年

十二帝后紀一十二卷

志三十卷

八十列傳八十八卷

後漢目錄卷終

帝紀第一上

范曄

後漢書一

唐章懷太子賢注

光武皇帝

世祖光武皇帝諱秀字文叔

禮祖有功而宗有德光武中興

故廟稱世祖謚法能紹前業曰光克定禍亂曰武伏侯古今注曰秀之字曰茂伯仲叔季兄弟之次長兄伯升次仲故字文叔焉南陽蔡陽人

南陽郡今鄧州縣也蔡陽縣故城在今隨州棗

陽縣西南高祖九世之孫也出自景帝生長沙

定王發

長沙郡今潭州縣也

發生春陵節侯買

春陵鄉名

本屬零陵冷道縣在今永州唐興縣北元帝時徙南陽仍號春陵故城今在隨州棗陽縣東事具宗室四

王買生鬱林太守外鬱林郡今郴州縣前書曰郡守秦官秩二千石景帝

更名太守外生鉅鹿都尉回鉅鹿郡今邢州縣也前書曰都尉本郡尉秦官

也掌佐守典武職秩比二千石景帝更名都尉回生南頓令欽南頓縣屬汝南

郡故城在今陳州項城縣西前書曰令長皆秦官也萬戶以上爲令秩千石至六百石不滿萬戶爲長秩

五百石至三百石欽生光武光武年九歲而孤養於

叔父良身長七尺三寸美須眉大口隆準

曰角隆高也許負云鼻頭爲準鄭玄尚書中候注云曰角謂庭中骨起狀如曰性勤

於稼穡種曰稼斂曰穡而兄伯升好俠養士常非

笑光武事田業比之高祖兄仲仲郃陽侯喜也能爲產業

見前

王莽天鳳中

王莽建國六年改爲天鳳

乃之長安受尚

書略通大義

東觀記曰受尚書於中大夫廬江許子威資用乏與同舍生韓子合

錢買驢令從者儼以給諸公費

莽末天下連歲災蝗寇盜鋒

起

言賊鋒銳競起字或作蜂論多也

地皇三年

天鳳六年改爲地皇

南陽

荒饑

韓詩外傳曰一穀不升曰歉二穀不升曰饑三穀不升曰饉四穀不升曰荒五穀不升曰饑

大諸家賓客多爲小盜光武避吏新野

新野

屬南陽郡今鄧州縣續漢書曰伯升賓客劫人上避吏於新野鄧晨家

因賣穀於宛

東觀記曰時南陽旱饑而上田獨收宛縣屬南陽郡故城今鄧州南陽縣也

宛人李通

等以圖讖說光武云劉氏復起李氏爲輔

圖河圖也識符命之書識驗也言爲王者受命之徵驗也易坤靈圖曰漢之臣李陽也

光武

初不敢當然獨念兄伯外素結輕客必舉大事且王莽敗亡已兆天下方亂遂與定謀於是乃市兵弩十月與李通從弟軼等起於宛時年二十八十一月有星孛于張

前書音義曰孛星光芒短蓬然張南方宿也續漢志曰張爲周地星孛于張東南行即翼軫之分翼軫楚地是楚地將有兵亂後一年正月光武起兵春陵攻南陽斬阜賜等殺其士衆數萬人光武都雒陽居周地除穢布新之象

光武遂將賓客還春陵時伯外已

會衆起兵初諸家子弟恐懼皆亡逃自匿

曰伯升殺我及見光武絳衣大冠

董巴輿服志曰

大冠者謂武官冠之東觀記曰上時絳衣大冠將軍服也

皆驚曰謹厚者亦

復爲之乃稍自安伯升於是招新市平林

兵

新市縣屬江夏郡故城在今郢州富水縣東北平林地名在今隨州隨縣東北

與其

帥王鳳陳牧西擊長聚

廣雅曰聚居也音慈諭反前書音義曰小於鄉

曰光武初騎牛殺新野尉乃得馬

前書曰尉秦官秩四

百石至二百石也

進屠唐子鄉

例曰多所誅殺曰屠唐子鄉有唐子山在今唐州湖

陽縣西南

又殺湖陽尉

湖陽屬南陽郡今唐州縣也東觀記曰劉終詐稱江夏吏

誘殺之

軍中分財物不均衆恚恨欲反攻諸

劉光武斂宗人所得物悉以與之衆乃悅

進拔棘陽

縣名屬南陽郡在棘水之陽古謝國也故城在今唐州湖陽縣西北棘音己力

反與王莽前隊大夫甄阜

王莽置六隊郡置大夫一人職如太守南

陽爲前隊河內爲後隊潁川爲左隊弘農爲右隊河東爲北隊滎陽爲祈隊隊音遂

屬正梁

立賜

王莽每隊置屬正一人職如都尉

戰於小長安

續漢書曰滎陽縣有小長

安聚故城在今鄧州南陽縣南

漢軍大敗還保棘陽

更始元年正月甲子朔漢軍復與甄阜梁

丘賜戰於泚水西大破之斬阜賜

泚水在今唐州泚陽

縣南廬江瀟縣亦有泚水與此別也泚音比上

伯升又破王莽納言將

軍嚴尤秩宗將軍陳茂於涑陽

前書曰納言虞官也掌出

納王命所謂喉舌之官也歷秦漢不置王莽改大司農爲之桓譚新論云莊尤字伯石此言嚴避明帝諱

也秩宗虞官也掌郊廟之事周謂之宗伯秦漢不置王莽改太常爲秩宗後又典兵故納言秩宗皆有將軍號也涑陽縣屬南郡故城在今鄧州南陽縣南在涑水之陽涑音育進圍宛城二

月辛巳立劉聖公爲天子以伯升爲大司

徒光武爲太常偏將軍

前書曰奉常秦官景帝更名太常應劭漢官儀

曰欲令國家盛大社稷常存故稱太常老子曰偏將軍處左上將軍處右東觀記曰時無印得定武侯家

丞印佩之入朝

三月光武別與諸將徇昆陽定陵鄧

皆下之

徇略也昆陽定陵鄧皆縣名並屬潁川郡昆陽故城在今許州葉縣北鄧今豫州鄧

城縣也定陵故城在今
鄆城西北音於建反

多得牛馬財物穀數十

萬斛轉以饋宛下莽聞阜賜死漢帝立大

懼遣大司徒王尋大司空王邑

王莽時哀章所獻金匱圖

有王尋姓名王邑王商子於莽為從父兄弟也

將兵百萬其甲士四十

二萬人五月到潁川復與嚴尤陳茂合潁

郡今洛州陽翟縣也

初光武為春陵侯家訟逋租於尤

尤見而奇之

逋違也春陵侯敞即光武季父也東觀記曰為季父故春陵侯詣大司馬

府訟地皇元年十二月壬寅前租二萬六千斛芻橐

錢若干萬時宛人朱福亦為舅訟租於尤尤止車獨與上語不視福上歸戲

及是時城中出降尤者

言光武不取財物但會兵計策尤笑曰是

美須眉者邪何爲乃如是初王莽徵天下

能爲兵法者六十三家數百人並以爲軍

吏選練武衛招募猛士

說文曰募廣求之也

旌旗輜重

千里不絕

周禮曰折羽爲旌熊虎爲旗輜車名釋名曰輜廁也謂軍糧什物雜廁載之以

其累重故稱輜重重音直用反

時有長人巨無霸

王莽連率韓博上言有奇

士長一丈大十圍自謂巨無霸出於蓬萊東南五城西北詔如海濱輜車不能載三馬不能勝卧則枕鼓

以鐵箸食

長一丈大十圍以爲壘尉

鄭玄注周禮云軍壁

見前書
曰壘崔瑗中壘校尉箴曰堂堂黃帝設爲壘壁尉者主壘壁之事

又驅諸猛獸

猛或作獷獷猛虎豹犀象之屬以助威武自

虎豹犀象之屬以助威武自

秦漢出師之盛未嘗有也光武將數千兵

徼之於陽關

聚名也酈元水經注曰潁水東南經陽關聚夾潁水相對在今洛州陽

翟縣西北諸將見尋邑兵盛反走馳入昆陽皆

惶怖憂念妻孥

孥子也

欲散歸諸城光武議

曰今兵穀既少而外寇彊大并力禦之功

庶可立如欲分散勢無俱全且宛城未拔

謂伯外圍之未拔也

不能相救昆陽即破一日之間諸

部亦滅矣今不同心膽共舉功名反欲守

妻子財物邪諸將怒曰劉將軍何敢如是
光武笑而起會候騎還言大兵且至城北
軍陳數百里不見其後諸將遽相謂曰更
請劉將軍計之光武復爲圖畫成敗諸將
憂迫皆曰諾時城中唯有八九千人光武
乃使成國上公王鳳廷尉大將軍王常留
守夜自與驃騎大將軍宗佻驃騎大將軍武帝置自霍去病
始佻音五威將軍李軼等十三騎王莽置五威將軍其
太堯反衣服依五方之色以威天下李軼初起猶假以爲號

出城南門於外收兵

時莽軍到城下者且十萬光武幾不得出

幾音祈

既至鄧定陵悉發諸營兵而諸將貪

惜財貨欲分留守之光武曰今若破敵珍

瑤萬倍

瑤古寶字

大功可成如爲所敗首領無

餘何財物之有衆乃從嚴尤說王邑曰昆

陽城小而堅今假號者在宛亟進大兵

亟急

也音紀力反

彼必奔走宛敗昆陽自服邑曰吾

昔以虎牙將軍圍翟義坐不生得以見責

讓

翟義字文仲方進少子爲東郡太守王莽居攝讓義心惡之乃立東平王雲子信爲天子義自號

柱天大將軍以誅莽莽乃使孫建王邑等將兵擊義破之義亡自殺故坐不生得坐音才卧反見前書

今將百萬之衆遇城而不能下何謂邪或遇

爲過遂圍之數十重列營百數雲車十餘丈

雲車即樓車稱雲言其高也升之以望敵猶墨子云公輸般爲雲梯之械瞰臨城中俯視

曰瞰音苦暫反旗幟蔽野廣雅曰幟幟也音熾埃塵連天鉦

鼓之聲聞數百里說文曰鉦說也似鈴或爲地道衝

輶撞城衝撞車也詩曰臨衝閑閑許積弩亂發

矢下如雨城中負戶而汲王鳳等乞降不

許尋邑自以爲功在漏刻意氣甚逸夜有

流星墜營中晝有雲如壞山當營而隕不

及地尺而散吏士皆厭伏

續漢志曰雲如壞山謂營頭之星也

占曰營頭之所墜其下覆軍殺將血流千里厭音一葉反

六月己卯光武遂

與營部俱進自將步騎千餘前去大軍四

五里而陳尋邑亦遣兵數千合戰光武奔

之斬首數十級

秦法斬首一賜爵一級故因謂斬首爲級

諸部喜曰

劉將軍平生見小敵怯今見大敵勇甚可

怪也且復居前請助將軍光武復進尋邑

兵却諸部共乘之斬首數百千級連勝遂

前時伯升拔宛已三日而光武尚未知乃
僞使持書報城中云宛下兵到而陽憤其
書尋邑得之不熹

熹音許
記反

諸將既經累捷

膽氣益壯無不一當百光武乃與敢死者

三千人從城西水上衝其中堅

敢死謂果敢
而死者凡軍

事中軍將最尊居中以
堅銳自輔故曰中堅也

尋邑陳亂乘銳崩之

遂殺王尋城中亦鼓譟而出中外合勢震

呼動天地莽兵大潰走者相騰踐奔殪百

餘里閒

殪什也音於
計反或作噎

會大雷風屋瓦皆飛

雨下如注湓川盛溢

水經曰湓水出南陽魯陽縣西堯山東南經昆陽城

北東入汝湓音直理反

虎豹皆股戰士卒爭赴溺死者

以萬數水為不流

數過於萬故以萬為數

王邑嚴尤陳

茂輕騎乘死人度水逃去盡獲其軍實輜

重車甲

珍寶不可勝筭舉之連月不盡或

燔燒其餘光武因復徇下潁陽

縣名屬潁川郡故城

在今許州

會伯升為更始所害光武自父城馳

詣宛謝

父城縣古應國也屬潁川郡故城在今許州葉縣東北以伯升見害心不自安故謝

司徒官屬迎弔光武光武難交私語深引

過而已未嘗自伐昆陽之功又不敢爲伯
升服喪飲食言笑如平常更始以是慙拜
光武爲破虜大將軍封武信侯九月庚戌

三輔豪桀共誅王莽傳首詣宛

三輔謂京兆左馮翊右扶

風共在長安中分領諸縣淮南子曰智過百人謂之
豪白虎通云賢萬人曰傑時城中少年子弟張魚等
攻莽於漸臺商人杜吳殺莽校尉公賓

就斬莽首將軍申屠建等傳莽首詣宛

更始將北

都洛陽以光武行司隸校尉使前整修宮

府

前書曰司隸校尉本周官武帝初置持節從中都
官徒千二百人督大姦猾後罷其兵察三輔三河

弘農秩比二千石音義云以
掌徒隸而巡察故曰司隸

於是置僚屬作文

移東觀記曰文書移與屬縣也

從事司察一如舊章

續漢書曰司隸置從

事史十二人秩皆百石主督促文書察舉非法

時三輔吏士東迎更始

見諸將過皆冠幘

漢官儀曰幘者古之卑賤不冠者之所服也方言曰覆髻

謂之幘或謂之承露

而服婦人衣諸于繡襦

前書音義曰諸于大掖衣

也如婦人之袿衣字書無襦字續漢書作襦並音其物反楊雄方言曰襜褕其短者自關之西謂之襦襦

郭璞注云俗名襦掖據此即是諸于上加繡襦如今之半臂也或繡下有攤字

莫不笑之

或有畏而走者

續漢志曰時知者見之以爲服之不中身之災也乃奔入邊郡

避之是服妖也其後更始遂爲赤眉所殺

及見司隸僚屬皆歡喜

不自勝老吏或垂涕曰不圖今日復見漢

官威儀由是識者皆屬心焉及更始至洛

陽乃遣光武以破虜將軍行大司馬事十

月持節北度河

漢官儀曰太尉秦官也武帝更名大司馬節所以爲信也以竹

爲之柄長八尺以旄牛尾爲其旄三重馮衍與田邑書曰今以一節之任建三軍之威豈特寵其八尺之竹犛牛之尾哉續漢志曰更始時南方有童謠云諧不諧在赤眉得不得在河北後更始爲赤眉所殺是不諧也光武由河北而興是得之也鎮慰州郡所到部縣輒見

二千石長吏三老官屬下至佐史

二千石謂郡守也長

吏謂縣令長及丞尉也三老者鄉官也高祖置前書曰舉人年五十已上有修行能帥衆者置以爲三老每鄉一人擇鄉三老爲縣三老與令長丞尉以事相教復其儒或續漢志曰每刺史皆有從事史假佐每

縣各置諸事曹史也

考察黜陟如州牧行部事

漢初遣丞相史

分刺州武帝改置刺史察州秩六百石成帝更各牧秩二千石漢官典儀曰刺史行郡國省察政教黜陟

能不斷理冤獄也

輒平遣囚徒除王莽苛政

說文曰苛小革也言

政令繁細禮記曰苛政猛於虎

復漢官名吏人喜悅爭持牛

酒迎勞進至邯鄲

縣名屬趙國今洛州縣也前書音義邯山名鄲盡也邯山

至此而盡城郭字皆從邑因以名焉

故趙繆王子林

繆王景帝七代孫各元前

書曰元坐殺人爲大鴻臚所奏謚曰繆音謬東觀記曰林作臨字

說光武曰赤眉

今在河東但決水灌之百萬之衆可使爲

魚

赤眉賊帥樊崇等恐其衆與王莽兵亂皆朱其眉以相別故曰赤眉續漢書曰是時上平河北過邯

鄆林進見言赤眉可破上問其故對曰河水從列人北流如決河水灌之皆可令為魚上不然之列人縣

故城在今洛州肥鄉縣東北

光武不荅去之真定

縣名屬真定國今恒

州縣也

林於是乃詐以卜者王郎為成帝子

子輿

前書曰立國將軍孫建奏云不知何一男子遮臣車前自稱漢氏劉子輿成帝下妻子也

劉氏當復故郎因而稱之

十二月立郎為天子都邯鄲遂

遣使者降下郡國

二年正月光武以王郎新盛乃北徇薊

縣名

屬涿郡今幽州縣也本字從契從邑見說文

王郎移檄購光武十萬

戶

說文曰檄以木簡為書長尺二寸謂之檄以徵召也又曰以財有所求曰購魏武奏事曰若有急即

插以雞羽
謂之羽檄

而故廣陽王子劉接

廣陽王名嘉武帝五代孫起

兵薊中以應郎城內擾亂轉相驚恐言邯

鄲使者方到二千石以下皆出迎於是光

武趣駕南轅

趣急也讀曰促

晨夜不敢入城邑舍

食道傍至饒陽

縣名屬安平國在饒河之陽故城在今瀛州饒陽縣東北

官

屬皆乏食光武乃自稱邯鄲使者入傳舍

客館也傳音知戀反下同

傳吏方進食從者飢爭奪之傳

吏疑其偽乃椎鼓數十通

椎音直追反

給言邯

鄲將軍至

給言欺誑也音殆

官屬皆失色光武升車

欲馳既而懼不免徐還坐曰請邯鄲將軍

入久乃駕去傳中人遥語門者閉之門長

曰天下詎可知而閉長者乎遂得南出晨

夜兼行蒙犯霜雪也蒙冒天時寒面皆破裂

至呼沱河山海經云太戲之山滹沱之水出焉在今代州繁峙縣東流經定州深澤縣東南即光武所度處今俗猶謂之危度口臣賢案呼沱河舊在饒陽南至魏太祖曹操因饒河故瀆決令北

注新溝水所以無船適遇冰合得過續漢書曰時冰

今在饒陽縣北未畢數車而陷進至下博

滑馬僵乃各以囊盛沙布冰上度焉

城西下博縣屬信都國在博水之下故曰下博故城在今冀州下博縣南遑惑不

知所之有白衣老父在道旁

老父蓋神人也
今下博縣西猶

有祠

拍曰努力信都郡爲長安守去此八

十里

信都郡今
冀州也

光武即馳赴之信都太守

任光開門出迎世祖因發旁縣得四千人

先擊堂陽貫縣皆降之

堂陽及貫並屬鉅鹿郡
堂陽在堂水之陽今冀

州縣故城在今冀州鹿
城縣西南貫音時夜反

王莽和戎卒正邳彤亦

舉郡降

東觀記曰王莽分鉅鹿爲
和戎郡卒正職如太守

又昌城人

劉植宋子人耿純

昌城縣屬信都國故城在今
冀州西北宋子縣屬鉅鹿郡

故城在今趙
州平棘縣北

各率宗親子弟據其縣邑以奉

光武於是北降下曲陽

縣名屬鉅鹿郡常山郡有上曲陽故此言下

衆稍合樂附者至有數萬人復北擊中山

中山國一名中人亭故城在今定州唐縣東北張曜中山記曰城中有山故曰中山拔盧奴

縣名屬中山國故城在今定州安喜縣水經注曰縣有黑水故池水黑曰盧不流曰奴因以爲名所

過發奔命兵

前書音義曰舊時郡國皆有材官騎士若有急難權取驍勇者聞命

奔赴故謂之奔命

移檄邊部共擊邯鄲郡縣還復響

應南擊新市具定元氏防子皆下之

新市縣屬鉅鹿

郡故城在今恒州東北元氏房子屬常山郡並今趙州縣也防與房古字通用

因入趙界

時王郎大將李育屯柏人

縣名屬趙國今邢州縣故城在縣之

西漢兵不知而進前部偏將朱浮鄧禹爲

育所破亡失輜重光武在後聞之收浮禹

散卒與育戰於郭門大破之盡得其所獲

育還保城攻之不下於是引兵拔廣阿

縣名

屬鉅鹿郡故城在今會上谷太守耿況漁陽太

趙州象城縣西北

守彭寵

上谷郡故城在今媯州懷戎縣
漁陽郡在漁水之陽今幽州縣

各遣其

將吳漢寇恂等將突騎來助擊王郎

突騎言能

衝突軍陣

更始亦遣尚書僕射謝躬討郎

漢官儀曰

尚書四員武帝置成帝加一爲五有侍曹尚書主丞
帖御史事二千石尚書主刺史二千石事戶曹尚書

主人庶上書事主客尚書主外國四夷事成帝加三公尚書主斷獄事僕射秦官也僕主也古者重武事每官必有主射以督課之謝躬爲尚書僕射

光武因大饗士卒遂東

圍鉅鹿王郎守將王饒堅守月餘不下郎

遣將倪宏劉奉

倪音五兮反

率數萬人救鉅鹿

光武逆戰於南縣

縣名屬鉅鹿郡故城在今邢州栢人縣東北左傳齊

國夏伐晉取欒即其地也其後南徙故加南今俗謂之倫城聲之轉也斬首數

千級四月進圍邯鄲連戰破之五月甲辰

拔其城誅王郎收文書得吏人與郎交關

謗毀者數千章光武不省會諸將軍燒之

曰令反側子自安

反側不安也詩國風曰展轉反側

更始遣

侍御史持節立光武爲蕭王

蕭縣屬沛郡今徐州縣也續漢

書曰更始使侍御史黃黨封上爲蕭王

悉令罷兵詣行在所

蔡邕獨斷

曰天子以四海爲家故謂所居爲行在所

光武辭以河北未平不

就徵自是始貳於更始

貳離異也

是時長安政

亂四方背叛梁王劉永擅命睢陽

縣名屬梁郡今宋州

也擅專也

公孫述稱王巴蜀

蜀有巴郡故總言之

李憲自立

爲淮南王

淮南郡今壽州也

秦豐自號楚黎王

習鑿

齒襄陽記曰秦豐黎丘鄉人黎丘楚地故稱楚黎王黎丘故城在今襄州率道縣北

張步起

琅邪

郡有琅邪山故城今海州朐山縣東北

董憲起東海

郡名勾海

州縣

延岑起漢中

郡名故城在今梁州南鄭縣東北

田戎起夷

陵

縣名屬南郡有夷山故曰夷陵今硤州縣也故城在今縣西北

並置將帥侵

略郡縣

又別號諸賊銅馬大彤高湖重連

鐵脰大搶尤來上江青犢五校檀鄉五幡

五樓富平獲索等

諸賊或以山川土地爲名或以軍容彊盛爲號銅馬賊帥

東山荒秃上淮況等大彤渠帥樊重尤來渠帥樊崇五校賊帥高扈檀鄉賊帥董次仲五樓賊帥張文富平賊帥徐少獲索賊帥古師郎等並見東觀

各領部曲

續漢志曰大將軍營有五部部

三校尉部下有曲曲有軍候一人

衆合數百萬人所在寇掠

光武將擊之先遣吳漢北發十郡兵幽州

牧苗曾不從漢遂斬曾而發其衆秋光武

擊銅馬於鄒

縣名屬鉅鹿郡故城在今冀州鹿城縣東鄒音苦堯反竹書紀年曰衛鞅

封于鄒臣賢案下文云吳漢將突騎來會清陽又追至館陶並與鄒相近俗本多誤作鄒而蕭該音一古

反云屬太原郡臧矜音作鄒一建反云屬襄陽郡並誤也吳漢將突騎來會

清陽

縣名屬清河郡今貝州縣故城在州西北

賊數挑戰

挺身獨戰也古謂之

致師見左傳挑音徒了反

光武堅營自守有出鹵掠者輒

擊取之

鹵與虜同郭璞注爾雅曰掠奪取也

絕其糧道積月餘

日賊食盡夜遁去追至館陶大破之

館陶縣屬

魏郡今魏州縣

受降未盡而高湖重連從東南來

與銅馬餘衆合光武復與大戰於蒲陽悉

破降之封其渠帥爲列侯

前書音義曰蒲陽山蒲水所出在今

定州北平縣西北本或作滿陽渠大也尚書殲厥樂魁列侯即徹侯也稱列者言見序列也

降

者猶不自安光武知其意勅令各歸營勒

兵乃自乘輕騎按行部陳降者更相語曰

蕭王推赤心置人腹中安得不投死乎

投死

猶言致死

由是皆服悉將降人分配諸將衆遂

數十萬故關西號光武爲銅馬帝赤眉別

帥與大彤青犢十餘萬衆在射犬

續漢志曰野王縣有

射犬聚故城在今懷州武德縣北也

光武進擊大破之衆皆散

走使吳漢岑彭襲殺謝躬於鄴青犢赤眉

賊入函谷關攻更始

函谷谷名因谷以名關舊在弘農湖城縣西前書揚

僕爲樓船將軍有功恥居關外武帝乃爲徙於新安故關在今洛州新安縣之東

光武乃

遣鄧禹率六裨將引兵而西以乘更始赤

眉之亂時更始使大司馬朱鮪舞陰王李

軼等屯洛陽

舞陰縣屬南陽郡故城在今唐州泌陽縣西北

光武亦令

馮異守孟津以拒之

孔安國注尚書云孟地名在洛北都道所湊古今以爲津

論衡曰武王伐紂八百諸侯同於此盟
故曰盟津俗名治戎津今河陽縣津也

建武元年春正月平陵人方望

平陵昭帝陵也因以爲縣

故城在今咸陽縣西北

立前孺子劉嬰爲天子

平帝崩王莽立楚孝

王孫廣戚侯顯子嬰爲孺子莽篡位廢爲定安公

更始遣丞相李松擊

斬之光武北擊尤來大搶五幡於元氏追

至右北平連破之

北平縣屬中山國今易州永樂縣也臣賢案東觀記續漢

書並無右字此加右誤也營州西

又戰於順水北

南別有右北平郡故城非此地
順元水經注云徐水經北平縣故城北光武追銅馬

五幡破之於順水即徐水之別名也在今易州本或作慎者
乘勝輕進反爲所敗賊追急短兵

誤也

接

短兵謂刀劍也楚辭曰車錯轂兮短兵接

光武自投高岸遇突

騎王豐下馬授光武光武撫其肩而上顧

笑謂耿弇曰幾爲虜嗤弇頻射却賊得免

士卒死者數千人散兵歸保范陽

縣名在范水之陽屬

涿郡故城在今易州易縣東南

軍中不見光武或云已歿

東觀

記曰上巳乘王豐小馬先到矣營門不覺

諸將不知所爲吳漢曰

卿曹努力

曹輩也

王兄子在南陽何憂無主

兄子謂伯升子章及興也

衆恐懼數日乃定賊雖戰勝而

素囂大威

懾懼也音涉反

客主不相知夜遂引

去大軍復進至安次

縣名屬勃海郡今幽州縣也故城在縣東

與

戰破之斬首三千餘級賊入漁陽乃遣吳

漢率耿弇陳俊馬武等十二將軍追戰于

潞東

潞縣名屬漁陽郡今幽州縣也有潞水因以爲名蕭該音義云潞屬上黨臣賢案潞與漁

陽相接言上黨潞者非也

及平谷大破滅之

平谷縣屬漁陽郡故城在今潞

縣北

朱鮪遣討難將軍蘇茂攻溫

今洛州縣

馮異

寇恂與戰大破之斬其將賈彊於是諸將

議上尊號馬武先進曰天下無主如有聖

人承敝而起雖仲尼爲相孫子爲將猶恐

無能有益反水不收後悔無及

言早當即尊位以定衆心

今執謙退失於事機也孫子名武吳王闔閭將善用兵有兵法十三篇反音翻

大王雖執

謙退柰宗廟社稷何宜且還薊即尊位乃

議征伐今此誰賊而馳騫擊之乎

誰謂未有主也

前書音義曰直騫曰馳亂馳曰騫

光武驚曰何將軍出是言

可斬也武曰諸將盡然光武使出曉之

曉使

諭諸將

乃引軍還至薊夏四月公孫述自稱

天子光武從薊還過范陽命收葬吏士至

中山諸將復上奏曰漢遭王莽宗廟廢絕

豪傑憤怒北人塗炭

尚書曰人墜塗炭孔安國注云若陷泥墜火無救之

者

王與伯升首舉義兵更始因其資以據

帝位而不能奉承大統敗亂綱紀盜賊日

多羣生危蹙

蹙迫也音子六反

大王初征昆陽王莽

自潰後拔邯鄲北州弭定參分天下而有

其二跨州據土帶甲百萬言武力則莫之

敢抗論文德則無所與辭臣聞帝王不可

以久曠天命不可以謙拒惟大王以社稷

爲計萬姓爲心光武又不聽行到南平棘

縣名屬常山郡今趙州縣故城在縣南

諸將復固請之光武曰

寇賊未平四面受敵何遽欲正號位乎諸

將且出耿純進曰天下士大夫捐親戚弃

土壤從大王於矢石之間者其計固望其

攀龍鱗附鳳翼以成其所志耳

揚雄法言曰攀龍鱗附鳳

翼巽以揚之

今功業即定天人亦應而大王留

時逆衆不正號位純恐士大夫望絕計窮

則有去歸之思無爲久自苦也大衆一散

難可復合時不可留衆不可逆純言甚誠

切光武深感曰吾將思之行至鄢

縣名今趙州高邑縣

也鄢音

火各反

光武先在長安時同舍生彊華

續漢

書曰彊華潁川人也彊音其兩反

自關中奉赤伏符曰劉秀

發兵捕不道四夷雲集龍鬪野四七之際

火爲主

四七二十八也自高祖至光武初起合二百二十八年即四七之際也漢火德故火

爲主也

羣臣因復奏曰受命之符人應爲大

謂彊華奉赤伏符也

萬里合信不議同情周之白魚

曷足比焉

尚書中候曰武王伐紂度孟津中流白魚躍入王舟長三尺赤文有字告以伐

紂之意也

今上無天子海內淆亂符瑞之應昭

然著聞宜荅天神以塞羣望光武於是命

有司設壇場於鄩南千秋亭五成陌壇謂築土場謂

除地秦法十里一亭南北爲阡東西爲陌其地在今趙州栢鄉縣水經注曰亭有石壇壇有圭頭碑其陰

云常山相隴西狄道馮龍所造壇廟之東枕道有兩石翁仲南北相對焉

六月己未

即皇帝位燔燎告天天高不可達故燔柴以祭之庶高煙上通也爾雅云

祭天曰燔柴燔音煩燎音力弔反 禋于六宗精意以享謂之禋續漢志平帝元始

中謂六宗爲易卦六子之氣水火雷風山澤也光武中興遵而不改至安帝即位初改六宗爲天地四方

之宗祠於洛陽 望於羣神山林川谷能興致雲雨者皆曰神不可偏

至故望而祭之尚書曰 其祝文曰皇天上帝后望于山川徧于羣神

土神祇眷顧降命屬秀黎元爲人父母

屬音燭

秀不敢當羣下百辟不謀同辭

詩大雅曰百辟卿士

破王尋王邑於昆陽誅王郎銅馬於河北

鄭玄注云百辟畿內諸侯也

咸曰王莽篡位秀發憤興兵

平定天下海內蒙恩上當天地之心下爲

元元所歸

元元謂黎庶也元由言喁喁可矜憐之辭也

識記曰劉

秀發兵捕不道卯金修德爲天子

卯金劉字也春秋演

爲赤帝後次代周

秀猶固辭至于再至于三羣下

僉曰皇天大命不可稽留敢不敬承於是建

元爲建武大赦天下改鄆爲高邑是月赤

眉立劉盆子爲天子甲子前將軍鄧禹擊

更始定國公主王匡於安邑大破之

安邑縣屬

河東郡今蒲州縣也斬其將劉均秋七月辛未拜前將

軍鄧禹爲大司徒丁丑以野王令王梁爲

大司空

野王縣屬河內郡故城在今懷州時據赤伏符文故從縣宰而超拜

之事具梁傳壬午以大將軍吳漢爲大司馬偏將

軍景丹爲驃騎大將軍大將軍耿弇爲建

威大將軍偏將軍蓋延爲虎牙大將軍偏

將軍朱祐爲建義大將軍中堅將軍杜茂

爲大將軍時宗室劉茂自號厭新將軍王莽

號新室言率衆降封爲中山王已亥幸懷縣名

屬河內郡故城在今懷州武陟縣遣耿弇率彊

弩將軍陳俊軍五社津水經注曰鞏縣北有五社津一名土社津有山

臨河其下有穴潛通淮浦有渚謂之鮪備滎陽以

東使吳漢率朱祐及廷尉岑彭前書廷尉秦官也聽獄必

質於朝廷與衆共之執金吾賈復前書曰中尉秦官武帝改

尉平也故稱廷尉爲執金吾吾禦也掌揚化將軍堅鐔等十一

執兵革以禦非常

將軍

鐔音徒南反

圍朱鮪於洛陽八月壬子祭

社稷癸丑祠高祖太宗世宗於懷宮進幸

河陽更始廩丘王田立降

廩丘縣屬東郡城在今濮州雷澤縣

北也九月赤眉入長安更始奔高陵辛未詔

曰漢制度曰帝之下書有四一曰策書二曰制書三曰詔書四曰誡敕策書者編簡也其制長二尺短

者半之篆書起年月日稱皇帝以命諸侯王三公以罪免亦賜策而以隸書用尺一木兩行唯此爲異也

制書者帝者制度之命其文曰制詔三公皆璽封尚書令印重封露布州郡也詔書者詔告也其文曰告

某官云如故事誡敕者謂敕刺史太守其文曰有詔敕某官它皆倣此

更始破敗棄

城逃走妻子裸袒流穴道路

穴音人勇反穴散也

朕

甚愍之今封更始為淮陽王

淮陽郡故城在今陳州宛丘縣

西南

吏人敢有賊害者罪同大逆甲申以前

高密令卓茂為太傅

高密縣屬高密國今密州縣故城在今縣之西南卓

以平帝時為密令故曰前

辛卯朱鮪舉城降冬十月癸丑

車駕入洛陽幸南宮却非殿遂定都焉

蔡質

漢典職儀曰南宮至北宮中央作大屋複道三道行天子從中道從官來左右十步一衛兩官相去七里

又洛陽宮閣名有却非殿臣賢案俗本或作御北殿者誤

遣岑彭擊荊州羣

賊十一月甲午幸懷劉永自稱天子十二

月丙戌至自懷赤眉殺更始而隗囂據隴

右盧芳起安定

郡名今涇州縣

破虜大將軍叔壽

擊五校賊於曲梁戰歿

曲梁屬廣平國今洛州縣也

二年春正月甲子朔日有食之

續漢志曰在危八度虛危

齊地賊張步擁兵據齊至五年乃破

大司馬吳漢率九將軍擊

檀鄉賊於鄴東大破降之庚辰封功臣皆

爲列侯大國四縣餘各有差下詔曰人情

得足苦於放縱快須吏之欲忘慎罰之義

尚書曰罔不明德慎罰亦克用勸孔安國注去慎刑罰亦能用勸善也

惟諸將業遠

功大誠欲傳於無窮宜如臨深淵如履薄

冰戰戰慄慄日慎一日

太公金匱曰黃帝居人上惴惴若臨深淵舜居

人上矜矜如履薄冰禹居人上慄慄如不滿日其

被勝怠則吉義勝欲則昌日慎一日壽終無殃

顯效未訓名籍未立者大鴻臚趣上

續漢志曰

大鴻臚卿一人中二千石掌諸王入朝及拜諸侯封者趣音促

朕將差而錄之

博士丁恭議曰古帝王封諸侯不過百里

史記太史公曰武王成康所封數百而同姓五十地不過百里

故利以建侯取

法於雷

易屯卦震下坎上震爲雷初九曰利建侯又曰震驚百里故封諸侯地方百里以法

雷也強幹弱枝所以爲治也今封諸侯四縣

不合法制帝曰古之亡國皆以無道未嘗

聞功臣地多而滅亡者乃遣謁者即授印

綬前書曰謂者秦官掌賓讚受事負七十人秩比六百石中興但三十人蔡質典職儀曰皆選儀容端正任奉使者前書曰諸侯王金璽綬列侯金印策

紫綬璽音戾華名也似艾可染綠因以名綬也

曰在上不驕高而不危制節謹度滿而不

溢敬之戒之傳爾子孫長為漢藩藩屏也言建諸侯所

以為國之藩蔽也詩大雅曰四國于藩壬午更始復漢將軍鄧

綰輔漢將軍于匡降皆復爵位壬子起高

廟建社稷於洛陽立郊兆于城南始正火

德色尚赤漢禮制度曰人君之居前有朝後有寢終則制廟以象朝後制寢以象寢光武

都洛陽乃合高祖以下至平帝爲一廟藏十一帝主於其中元帝次當第八光武第九故立元帝爲祖廟後遵而不改續漢志曰立社稷於洛陽在宗廟之右皆方壇四面及中各依方色無屋有牆門而已白虎通曰天子之壇方五丈諸侯之壇半天子之壇社者土也人非土不立非穀不食故封土立社示有土也稷者五穀之長得陰陽中和之氣故祭之也續漢書曰制郊兆於洛陽城南七里爲壇八陛中又爲重壇天地位皆在壇上其外壇上爲五帝位青帝位在甲寅赤帝位在丙巳黃帝位在丁未白帝位在庚申黑帝位在壬亥其外爲壇重營皆紫以象紫宮營有通道以爲門日月在營內南道日在東月在西北斗在北道之西外營中營凡千五百一十四神高皇帝配食焉北郊在洛陽城北四里方壇四陛地祇位南面西上高皇后配西面皆在壇上地理羣后從食皆在壇下中岳在未四岳各依其方淮海俱在東河在西濟在北江在南餘山川各如其方漢初土德色尚黃至此始明火德微幟尚赤服色於是乃正

是

月赤眉焚西京宮室發掘園陵

園謂塋域陵謂山墳

寇

掠關中大司徒鄧禹入長安遣府掾奉十

一帝神主納於高廟

漢官儀曰司徒府掾屬三十一人秩千石十一帝謂

高祖至平帝神主以木爲之方尺二寸穿中央達四方天子主長足二寸諸侯主長一尺虞主用桑練主用栗衛宏舊漢儀曰已葬收主爲木函藏廟太室中西壁坎中去地六尺一寸祭則立主於坎下真

定王楊臨邑侯讓謀反

楊景帝七代孫讓即楊弟

遣前將

軍耿純誅之二月己酉幸修武

縣名屬河內郡本殷之寧

邑韓詩外傳曰武王伐紂勒兵於寧改曰修武今懷州縣也

大司空王梁免

壬子以太中大夫宋弘爲大司空遣驃騎

大將軍景丹率征虜將軍祭遵等二將軍

擊弘農賊破之因遣祭遵圍蠻中賊張滿

蠻中聚名故戎蠻子國在今汝州西南俗謂之麻城

漁陽太守彭寵反攻

幽州牧朱浮於薊延岑自稱武安王於漢

中辛卯至自修武三月乙未大赦天下詔

曰頃獄多寃人用刑深刻朕甚愍之孔子

云刑罰不中則民無所措手足

論語之文

其與

中二千石諸大夫博士議郎議省刑法遣

執金吾賈復率二將軍擊更始鄧王尹遵

破降之

遵或作尊

驍騎將軍劉植擊密賊戰歿

密縣屬河南郡今洛州縣

遣虎牙大將軍蓋延率四將

軍伐劉永夏四月圍永於睢陽更始將蘇

茂殺淮陽太守潘蹇而附劉永甲午封叔

父良爲廣陽王兄子章爲太原王章弟興

爲魯王春陵侯嫡子祉爲城陽王

城陽國故城在今沂

州臨沂縣南

五月庚辰封更始元氏王歆爲泗

水王

泗水國今兗州縣也

故真定王楊子得爲真定

王周後姬常爲周承休公

武帝封周後姬嘉爲周子南君成帝封姬

延爲周承休公常即延之後承
休所封故城在今汝州東北

癸未詔曰民有

嫁妻賣子欲歸父母者恣聽之敢拘執論

如律六月戊戌立貴人郭氏爲皇后子彊

爲皇太子大赦天下增郎謁者從官秩各

一等

前書曰郎官掌守門戶出充車騎有
議郎中郎侍郎郎中秩六百石已下

丙午

封宗子劉終爲淄川王

淄川國今
淄州縣

秋八月帝

自將征五校丙辰幸內黃

縣名屬魏郡
今相州縣

大

破五校於蕤陽降之

蕤陽聚名屬魏郡故城在
今相州堯城縣東諸本有

作蕤者誤也左傳云晉荀盈如齊逆女還卒於戲陽
杜預注云內黃縣北有戲陽城戲與蕤同音許宜反

遣游擊將軍鄧隆救朱浮與彭寵戰於潞

隆軍敗績蓋延拔睢陽劉永奔譙今亳破

虜將軍鄧奉據涇陽反九月壬戌至自內

黃驃騎大將軍景丹薨延岑大破赤眉於

杜陵縣名屬京兆周之杜伯國在今萬年縣東南關中饑民相食

冬十一月以廷尉岑彭爲征南大將軍率

八將軍討鄧奉於堵鄉水經注曰堵水南經小堵鄉在今唐州方城縣

堵音者銅馬青犢尤來餘賊共立孫登爲天

子於上郡春秋保乾圖曰賊臣起名孫登巧用法多技方蓋立以應之上郡故城在今涇

州上縣
東南

登將樂玄殺登以其衆五萬餘人

降遣偏將軍馮異代鄧禹伐赤眉使太中

大夫伏隆持節安輯青徐二州招張步降

之

爾雅曰輯和也音集

十二月戊午詔曰惟宗室列侯

爲王莽所廢先靈無所依歸朕甚愍之其

並復故國若侯身已歿屬所上其子孫見

名尚書封拜

屬所謂侯子孫所屬之郡縣也錄其見名上於尚書封拜之

是歲蓋延等大破劉永於沛西

沛今徐州縣也

初

王莽末天下旱蝗黃金一斤易粟一斛至

是野穀旅生

旅寄也不因播種而生故曰旅今字書作稽音呂古字通

麻赤

尤盛野蠶成繭被於山阜人收其利焉

三年春正月甲子以偏將軍馮異爲征西

大將軍杜茂爲驃騎大將軍大司徒鄧禹

及馮異與赤眉戰於回溪

溪名也俗名回坑在今洛州永寧縣

東禹異敗績征虜將軍祭遵破蠻中斬張

滿辛巳立皇考南頓君已上四廟壬午大

赦天下閏月乙巳大司徒鄧禹免馮異與

赤眉戰於崤底大破之

崤山名底阪也一名歛岑山在今洛州永寧縣西北

西餘衆南向宜陽縣名屬弘農郡韓國都也故城在今洛州福昌縣東韓城

是也帝自將征之己亥幸宜陽甲辰親勒六

軍大陳戎馬大司馬吳漢精卒當前中軍

次之驍騎武衛分陳左右赤眉望見震怖

遣使乞降丙午赤眉君臣面縛面借也謂反借而縛之

奉高皇帝璽綬蔡邕獨斷曰皇帝六璽皆玉螭虎紐文曰皇帝行璽皇帝之璽

皇帝信璽天子行璽天子之璽天子信璽皆以武都紫泥封之玉璽譜曰傳國璽是秦始皇初定天下所

刻其玉出藍田山丞相李斯所書其文曰受命于天既壽永昌高祖至霸上秦王子嬰獻之至王莽篡位

就元后求璽不與以威逼之乃出璽投地璽上螭一角缺及莽敗李松持璽詣宛上更始更始敗璽入赤

赤帝璽
後漢書
卷之九
二

眉劉盆子既敗以奉光武

詔以屬城門校尉

前書曰城門校尉掌京師城門

屯兵秩比二千石也

戊申至自宜陽己酉詔曰羣盜縱

橫賊害元元盆子竊尊號亂惑天下朕奮

兵討擊應時崩解十餘萬衆束手降服先

帝璽綬歸之王府斯皆祖宗之靈士人之

力朕曷足以享斯哉

享當也

其擇吉日祠高

廟賜天下長子當爲父後者爵人一級二

月己未祠高廟受傳國璽劉永立董憲爲

海西王

海西縣屬琅邪郡

張步爲齊王步殺光祿

大夫伏隆而反幸懷遣吳漢率二將軍擊

青犢於軹西大破降之

軹縣屬河內郡故城在今洛州濟源縣東南

三月壬寅以大司徒司直伏湛爲大司徒

續漢志曰光武即位依武帝故事置司徒司直建武十一年省

彭寵陷薊城寵

自立爲燕王帝自將征鄧奉幸堵陽夏四

月大破鄧奉於小長安斬之馮異與延岑

戰於上林破之

關中上林苑也

吳漢率七將軍與

劉永將蘇茂戰於廣樂大破之

廣樂地關今宋州虞城縣

有長樂故城蓋避隋煬帝諱

虎牙大將軍蓋延圍劉永於

睢陽五月巳酉車駕還宮乙卯晦日有食

之

續漢志曰日在柳十四度柳河南也時樊崇謀作亂其七月伏誅

六月壬戌

大赦天下耿弇與延岑戰於穰大破之

穰縣

屬南陽郡今鄧州縣

秋七月征南大將軍岑彭率三

將軍伐秦豐戰於黎丘大破之獲其將蔡

宏庚辰詔曰吏不滿六百石下至墨綬長

相有罪先請

續漢志曰縣大者置令一人千石其次置長四百石小者三百石侯國之

相亦如之皆掌理人並秦制

男子八十以上十歲以下及

婦人從坐者自非不道詔所名捕皆不得

繫

詔書有名而特捕者

當驗問者即就驗女徒雇山

歸家

前書音義曰令甲女子犯徒遣歸家每月出錢雇人於山伐木名曰雇山

蓋延

拔睢陽獲劉永而蘇茂周建立永子紆爲

梁王冬十月壬申幸春陵祠園廟因置酒

舊宅大會故人父老

光武舊宅在今隨州棗陽縣東南宅南二里有白水

焉即張衡所謂龍飛白水也

十一月乙未至自春陵涿郡

太守張豐反

涿郡故城在今幽州范陽縣

是歲李憲自稱

天子西州大將軍隗囂奉奏

時鄧禹承制命囂爲西州大將

軍專制涼州朔方事

建義大將軍朱祐率祭遵與延

岑戰於東陽斬其將張成

東陽聚名也故城在今鄧州南臨淮

郡復有東陽縣非此地也

四年春正月甲申大赦天下二月壬子幸

懷壬申至自懷遣右將軍鄧禹率二將軍

與延岑戰於武當破之

武當縣屬南陽郡有武當山今均州縣也

夏四月丁巳幸鄴己巳進幸臨平

縣名屬鉅鹿郡

故城在今定州鼓城縣東南

遣大司馬吳漢擊五校賊於

箕山大破之

吳漢傳曰東郡箕山

五月進幸元氏辛巳

進幸盧奴遣征虜將軍祭遵率四將軍討

張豐於涿郡斬豐六月辛亥車駕還宮七

月丁亥幸譙遣捕虜將軍馬武偏將軍王

霸圍劉紆於垂惠

垂惠聚名在今亳州山桑縣西北一名禮城

董

憲將賁休以蘭陵城降憲圍之

前書曰賁赫賁音肥今姓

作賁音奔蘭陵縣屬東海郡故城在今沂州丞縣東

虎牙大將軍蓋廷

率平狄將軍龐萌救賁休不克蘭陵爲憲

所陷秋八月戊午進幸壽春

今壽州縣

太中大

夫徐憚擅殺臨淮太守劉度憚坐誅遣揚

武將軍馬成率三將軍伐李憲九月圍憲

於舒

縣名故城在今廬州廬江縣西

冬十月甲寅車駕還宮

太傅卓茂薨十一月丙申幸宛遣建義大

將軍朱祐率二將軍圍秦豐於黎丘十二月丙寅進幸黎丘是歲征西大將軍馮異與公孫述將程焉戰於陳倉破之

五年春正月癸巳車駕還宮二月丙午大

赦天下捕虜將軍馬武偏將軍王霸拔垂

惠乙丑幸魏郡

今相州也

壬申封殷後孔安爲

殷紹嘉公

成帝封孔吉爲殷紹嘉公安即吉之裔也

彭寵爲其蒼

頭所殺漁陽平

秦呼人爲黔首謂奴爲蒼頭者以別於良人也

大司

馬吳漢率建威大將軍耿弇擊富平獲索

賊於平原大破降之

平原郡今德州縣也

復遣耿弇率

二將軍討張步三月癸未徙廣陽王良爲

趙王始就國平狄將軍龐萌反殺楚郡太

守孫萌而東附董憲遣征南大將軍岑彭

率二將軍伐田戎於津鄉大破之

南郡有津鄉故城在

今荊州江陵縣東

夏四月旱蝗河西大將軍竇融

始遣使貢獻五月丙子詔曰久旱傷麥秋

種未下朕甚憂之將殘吏未勝獄多冤結

元元愁恨感動天氣乎其令中都官三輔

郡國出繫囚

前書音義曰中都官謂京師諸官府也國謂諸侯王國也

罪非

犯殊死一切勿案

殊死謂斬刑殊絕也左傳曰斬其木而弗殊一切謂權時

非久制也並見前書音義

見徒免爲庶人務進柔良退貪

酷各正厥事焉

臣賢案范曄序例云帝紀略依春秋唯亭薤日食地震書餘悉

備於志流俗本於此下多有甲申白虹見南北竟天者誤它皆放此

六月建義大

將軍朱祐拔黎丘獲秦豐而龐萌蘇茂圍

桃城

任城國有桃聚故城在今兗州任城縣北

帝時幸蒙

縣名屬梁國故城在

今宋州北

因自將征之先理兵任城乃進救桃

城大破萌等秋七月丁丑幸沛祠高原廟

前書音義曰原再也謂已立廟更立者爲原

詔修復西京園陵進幸

湖陵征董憲

湖陵縣屬山陽郡故城在今兗州方與縣東一名湖陸

又

幸蕃

縣名屬魯國故城在今徐州滕縣蕃音皮

遂攻董憲於昌慮

大破之

昌慮縣屬東海郡故城在今徐州滕縣東南古邾國之濫邑也左傳曰邾庶其以濫

來奔即此地

八月己酉進幸邾

縣名屬東海郡故城在今泗州下邳

縣東北邾音談

留吳漢攻劉紆董憲等車駕轉徇

彭城下邳吳漢拔邾獲劉紆漢進圍董憲

龐萌於朐

縣名屬東海郡故城在今海州朐山縣西音其于反

冬十月還

幸魯使大司空祠孔子耿弇等與張步戰

於臨淄大破之

臨淄今青州縣

帝幸臨淄進幸劇

縣名故城在今青州壽光縣南故紀國城也

張步斬蘇茂以降齊

地平初起太學

陸機洛陽記曰太學在洛陽城故開陽門外去宮八里講堂長

十丈廣三丈

車駕還宮幸太學賜博士弟子各

有差十一月壬寅大司徒伏湛免尚書令

侯霸爲大司徒十二月盧芳自稱天子於

九原

縣名屬五原郡故城在今勝州銀成縣

西州大將軍隗囂

遣子恂入侍交趾牧鄧讓率七郡太守遣

使奉貢

交趾郡今交州縣也南濱大海輿地志云其夷足大指開析兩足並立指則相交趾

與趾同古字通應劭漢官儀曰始開北方遂交於南爲子孫基趾也七郡謂南海蒼梧鬱林合浦交趾九真日南並屬交

州見續漢書

詔復濟陽二年徭役

濟陽縣故城在

今曹州冤句縣西南皇考南頓君初爲濟陽令以哀帝建平元年帝生於濟陽宮故復之前書音義曰復謂除其賦役也復音福

是歲野穀漸少田畝益廣焉

後漢帝紀卷第一上